

RUANG menyambut tetamu menampilkan sentuhan lantai marmar dan set perabot daripada kayu kapal lama.



CONNIE CHIN

Hotel ala Rus

Philea Resort menggunakan sepenuhnya kayu pain lembut yang diimport khas dari Siberia, Rusia.



Oleh KUMARA SABAPATTY


kumara.sabapatty@kosmo.com.my

KEHADIRAN kru *Jurnal* di Philea Resort & Spa disambut seorang wanita cantik berusia sekitar 30-an, Connie Chin. Dia sekadar

TITI
yang diperbuat
daripada kayu
pelapik landasan
kereta api untuk
ke spa dan
gimnasium.

Foto
SHAFIQ NOH
(PELATIH UNISEL)

BAWAH: Dari luar, Philea
Resort seolah-olah dibina
daripada batang buluh
yang susun bertindih.



terenyum melihat riak wajah penulis yang kagum dengan resort ala Rusia yang terletak di Taman Rama-Rama, Ayer Keroh, Melaka itu.

“Keseluruhan bangunan ini dibina menggunakan kayu pokok pain yang dibawa dari Siberia, Rusia. Inilah satu-satunya resort kayu sepenuhnya di negara ini,” Connie merungkaikan persoalan yang bermain di minda penulis.

Philea Resort dibuka dua tahun lalu. Selain kayu pain, keunikan lain hotel itu ialah dinding belakang setiap bilik diperkemas dengan 6,000 tan batu marmar yang dibawa khas dari negeri Perak.

Tangga pada setiap bilik pula diperbuat daripada kayu landasan kereta api lama. Keaslian bahan tersebut amat terserlah terutama dari segi ciri-ciri klasiknya.

Bangkai kapal

Selain itu, kayu lama yang diambil daripada bangkai kapal diubahsuai dan dijadikan perabot untuk lobi resort.

“Apa yang unik ialah kesemua kayu pain untuk 201 unit bilik di sini dipasang menggunakan paku pasak dan bukannya skru, paku besi atau nat,” terang Connie.

Resort ini sememangnya kaya dengan unsur semula jadi. Walaupun ia dikelilingi hutan asal di kawasan seluas 15 hektar, sebanyak 3,000 batang pokok pelbagai spesies lagi ditanam di sekeliling resort bernilai RM120 juta ini.

Justeru itu, berdiri di sini bagaikan terasa benar kesegaran oksigennya apatah lagi pengunjung dapat melihat dan mendengar kicauan burung yang terbang bebas.

Terdapat tiga jenis penginapan di sini, meliputi 180 bilik Pavilion, 19 suite Philea dan dua unit Royal Villa.


Kami dibawa bersiar-siar di sekitar resort dengan menaiki kereta bugi. Ketika diturunkan di hadapan bilik Pavilion, kehijauan rumput seperti padang golf dan batu lantai kasar di pekarangan bilik pantas menangkap pandangan mata.

Sekali lagi, kepingan kayu cengal


el kayu sia di Melaka

Small decorative graphic

kosmo 24/6/12 MS 26/45




AIR terjun dan kolam renang melengkapkan elemen semula jadi di resort yang dikelilingi tumbuh-tumbuhan hijau ini.



KESEMUA tangga menuju ke pintu utama penginapan menggunakan kayu sebegini.



SET sofa diraja dengan langsir dan kipas siling gaya Eropah terbukti memberi kelainan.



SENI bina kayu pain di Royal Villa tiada bandingannya di negara ini.

KEM seni



PINTU kayu cengal yang asalnya merupakan pelapik landasan kereta api lama kelihatan sungguh klasik.

yang sebelum ini terbiar di landasan kereta api lama, digunakan sebagai anak tangga.

Tali jut

“Melihat pada strukturnya, kayu pelapik ini mungkin sudah berusia lebih 100 tahun. Kami menggunakan kira-kira 8,000 keping kayu itu di seluruh resort,” celah Connie.

Melangkah masuk ke bilik Pavilion, aroma segar bersama bau kayu pain menyelubungi seluruh ruang.


Daripada lantai, dinding hingga ke siling semuanya menggunakan kayu jenis itu manakala tali jut digunakan untuk menutup ruang kecil di antara kayu berbentuk bulat tersebut. Malah, pintu bilik mandi juga diperbuat daripada kayu pain.

“Kalau nak tahu, beranda bilik Pavilion ini yang dihias dengan sebuah kerusi panjang, peti besi menyimpan surat khabar dan lampu gantung berwarna hitam, sebenarnya mirip seni bina rumah desa di Siberia,” ujar Connie.

Suite Philea turut didirikan daripada pokok pain, begitu juga Royal Villa. Royal Villa merupakan unit penginapan berkonsepkan banglo dengan layanan seperti seorang raja.

Selain memiliki kolam renang, ia juga dilengkapi katil bersaiz King, sofa mewah dan aksesori yang unik.

Difahamkan, vila itu pernah dihuni bekas Perdana Menteri, Tun Dr. Mahathir Mohamad dan Datuk Shah Rukh Khan setiap kali pelakon Bol-



CADAR corak batik dan lantai kayu di bilik urutan menyuntik aura ketenangan.


lywood itu melawat Melaka.

Bilik spa dan kemudahanurut yang dikelilingi pokok dan tumbuhan hijau tidak kurang hebatnya. Dengan lampu yang dimalapkan, spa ini amat sesuai sebagai tempat untuk menenangkan fikiran.

LALUAN berpagar yang menghubungkan bangunan-bangunan di resort.



CORAK kreatif menampilkan budaya Melaka pada lampu di bilik Pavilion.



KEMUDAHAN jakuzi dihiasi potret seni ukiran kayu ala Eropah.

EKSTRA **Philea Resort & Spa**

Lokasi: Ayer Keroh, Melaka

Keluasan kawasan: 15 hektar

Tahun dibuka: 2010


Konsep: Seni bina Eropah menggunakan kayu pain

Tel: 06-233 3399

Laman Web: www.phileahotel.com

Fakta menarik

- 3,000 pokok pelbagai spesies ditanam di sekeliling resort.
- 6,000 tan batu marmar dijadikan dinding.



SUASANA di suite Philea yang berharga RM1,190 semalam.

Di samping itu, sebuah ruang permainan komputer dan satu sudut khas untuk kanak-kanak turut tersedia. Pendek kata, Philea Resort menawarkan percutian eksklusif yang sangat bermakna untuk anda sekeluarga.

● 8,000 keping kayu landasan kereta api lama digunakan.

Harga bilik

- Pavilion RM760++ (standard), promosi RM422 (hari biasa), RM502 (hujung minggu).
- Suite Philea RM1,190 (standard), promosi RM622 (hari biasa), RM782 (hujung minggu).
- Royal Villa RM3,710 (standard), promosi RM2,602 (hari biasa), RM3,712 (hujung minggu).

Anugerah

- Resort Kayu Pertama dan Terbesar di Malaysia oleh Malaysia Book of Records 2011.
- Hotel Konsep Hijau Terbaik oleh Agensi Pelancongan Melaka.
- Creative Brand Industry of the Year oleh Global Golden Brand Award.
- Anugerah Reka Bentuk Landskap Cemerlang oleh Institut Arkitek Landskap Malaysia.